

Broj: 11-19-11-2-1890/25-I

Datum: 07.07.2025. godine

Na osnovu člana 41. stav (1), a u vezi sa članom 45. stav 3. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki u 2025. godini, v.d direktor Federalne uprave policije, donosi:

O D L U K U

o poništenju postupka javne nabavke „Nabavka softvera“, LOT 1 – Forenzički softveri

I

Prihvata se prijedlog Komisije za provođenje konkurentskih i pregovaračkih postupaka nabavke u postupku Javne nabavke „Nabavka softvera“, LOT 1 – Forenzički softveri, te se postupak **poništava** u skladu sa odredbom člana 69. stav (1) tačka b) Zakona o javnim nabavkama BiH.

II

Za izvršenje Odluke zadužuje se Sektor za finansije i javne nabavke Federalne uprave policije.

III

Ova Odluka objaviti će se na internet stranici Federalne uprave policije.

IV

Odluka stupa na snagu danom donošenja.

O B R A Z L O Ž E N J E

Postupak je provela Komisija za provođenje konkurentskih i pregovaračkih postupaka nabavki u 2025. godini imenovana Rješenjem broj: 11-11/4-30-2-1409 od 31.12.2024. godine.

Javna nabavka je provedena putem konkurentskog zahtjeva za dostavu ponuda. Predmet postupka je „Nabavka softvera“, LOT 1 - Forenzički softveri, broj Obavještenja o javnoj nabavci: 1412-7-1-167-3-104/25 od 17.06.2025. godine, sa procjenjenom vrijednošću ugovora od 24.700,00 KM bez PDV-a.

U postupku je utvrđeno da je Komisija pravilno i blagovremeno izvršila otvaranje i ocjenu pristiglih ponuda, o čemu su sačinjeni Zapisnici u skladu sa Zakonom o javnim nabavkama i tenderskom dokumentacijom. Na osnovu provedene analize, Komisija je dala preporuku da se postupak javne nabavke poništi, budući da je jedina pristigla ponuda ponuđača „NEXIS“ d.o.o. Sarajevo ocijenjena kao nepravilna, jer ne ispunjava zahtjeve iz tenderske dokumentacije, i to konkretno u dijelu koji se odnosi na tačku 10. (Garancija za uredno izvršenje ugovora) Tenderske dokumentacije. Naime, ponuđač je bio u ponudi **obavezan**

dostaviti izjavu kojom garantuje, da će, ukoliko zaključi ugovor za predmetnu nabavku, u roku i na način utvrđen ovom tenderskom dokumentacijom, dostaviti garanciju za uredno izvršenje ugovora. Slijedom navedenog, Komisija je predložila Ugovornom organu da se predmetni postupak javne nabavke poništi u skladu sa članom 69. stav (1) tačka b) Zakona o javnim nabavkama BiH.


Iz navedenih razloga, a primjenom člana 69. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

**V.D. DIREKTOR
(Načelnik SKP-a)
GLAVNI INSPEKTOR**

Vahidin Munjić



Dostaviti:

- Sektor za finansije i javne nabavke
- u spis